

ԱՏՈՄ ԱՆՁԵՎԱՑԻՆ ԵՎ ՆՐԱ ՆԵՐՔՈՂԸ՝ ՆՎԻՐՎԱԾ ՀՈՎՀԱՆՆԵՍ ՄԿՐՏԶԻՆ

Ըստ պատմագրական աղբյուրների, Ատոմ Անձևացին ապրել է Թ—Ժ դդ.: Եղել է իշխան Գուրգեն Արծրունու կրտսեր որդին (ավագը՝ Տաճատն էր): Ատոմ Անձևացին իր գործուն մասնակցությունն է բերել երկրի քաղաքական անցուղարձին: Այս մասին է վկայում հետևյալ իրողությունը: Աշոտ արքայի փեսա Դերենիկ Արծրունու սպանությունից հետո (886 թ.), վերջինիս երեք որդիների (Աշոտ, Գագիկ, Գուրգեն) խնամակալ է նշանակվում Ապուրվան հորջորջվող Մուկաց իշխան Գագիկ Արծրունին: «Բայց, — պատմիչի վկայությամբ, — Ապուրվուան երկներ գայր փիշխանասիրականն ծնանել գահակալությունն ի վերայ աշխարհիս»¹, այսինքն՝ ծրագրեր է որոճում տակավ առ տակավ տիրանալու Արծրունյաց գահերեցությունը: Ապուրվանի նյութած այս դավին մասնակցում էր նաև Գուրգեն Արծրունին, որ «խոկայր ցմամն աշխարհին յինքն գրաւել, մանաւանդ ցՈստանն Ռշտունեաց, որ էր տեղի սպանման հոր իւրոյ, գինս արեան համարելով ցնա»²:

Զարաշահելով խնամակալի իր արտոնությունները՝ Ապուրվանը «պիաքանական կապակցութեամբ շաղկապեալ» Դերենիկի երեք որդիներին, Կատելով իրարից, արգելափակում է տարբեր ամրոցներում³: Ըստեղծված իրադրությունից հուսահատ ու վրդովված՝ Վասպուրականի ազատները «անտանելի մնալով առ դիպուածն, քոր ինչ գործեաց Ապուրվուան, ելին գնացին առ Ատոմ որդի մեծին Գուրգինայ յամուրն Կանգուար, գտանել վելս իրացն»⁴: Թովմա

Արծրունու Պատմության մեջ հպանցիկ կերպով հիշատակված այս դրվագը իր համեմատ, բայց և կարևոր նպաստն է բերում Ատոմ Անձևացու քաղաքական գործունեության բնույթի ու կողմնորոշման պարզաբանմանը: Դրվագը որոշակի ակնարկ է այն մասին, որ հակառակ իր հոր՝ Գուրգեն Արծրունու տոհմական վրեժի ու մասնատիրական որոշ շահատակությունների, Ատոմն ապրում էր կենտրոնաձիգ իշխանությունն ամուր պահելու համապետական հոգսերով: Ատոմ իշխանի այս լայնախոհությունն ու քաղաքական հասունությունը, ինչպես երևում է, իմաստուն խորհրդատուի և խորահայաց դիվանագետի համբավ էին բերել նրան: Հենց այդ համբավն էր Վասպուրականի ազատների տարել նրա մոտ՝ ներքաղաքական այդ բարդ փիճակից մի ելք գտնելու նպատակով:

Ատոմ Անձևացու վայելած հեղինակության ուղղակի վկայությունը կարելի է համարել այն անվերապահ գնահատումը, որով Հովհաննես Դրասխանակերտցի պատմիչը խոսում է իշխանի մասին՝ նրան անվանելով «մեծն Ատոմ»⁵: Այսօրինակ գնահատանքի նա արժանացել էր ջնորհիվ իր որդեգրած խելամիտ քաղաքական դիրքորոշման և ռազմական գործողություններում ցուցաբերած քաջության: Այդ են հաստատում պատմական հիշատակարանները. Մանազկերտի Կաչսիկ ամիրան, այնու չընդունելով Սմբատ արքայի իշխանությունը, 902 թ. ապստամբեց նրա դեմ⁶: Ապստամբությունը

¹ Տե՛ս «Թովմայի վարդապետի Արծրունու Պատմությունն տանն Արծրունեաց, ի յոյս էած Ք [երովբե] Պ [ատկանեան]», Ս. Պետերբուրգ, 1887, էջ 235:

² Անդ, էջ 234:

³ Անդ, էջ 235:

⁴ Անդ:

⁵ Տե՛ս «Յովհաննու կաթողիկոսի Դրասխանակերտցու Պատմությունն հայոց», Թիֆլիս, 1912, էջ 177:

⁶ Հայ ժողովրդի պատմություն, հտ. III, Երևան, 1976, էջ 33: Գարեգին կաթողիկոս, Ինսերբուրգ դարի ձեռագրական մի հատակոտոր և Ատոմ Անձևացեաց իշխան, «Էջմիածին», 1946, № 8—10, էջ 43:

ճնշելու նպատակով տարվող «ճակատամարտը սկսվում հաջողություն չէր խոստանում թագավորին, բայց երբ»⁷ ծանր կացության մեջ գտնվող Սմբատի պորթերին օգնության են հասնում Վասպուրականի «իշխանն Աշոտ և իշխանն Մոկաց և զորքն Անձևացեաց», որոնք «քաջագոյնս արիացան կացին յտնկալի, և վառեալ ի պէն և յաւպագեն՝ արձանացան իբրև վմի այր, և յանդուգն դիմացուածով խուռն յարձակմամբ հարեալ ի դիմի, ուր քաջքն այլապզեացն ճակատեին ընդ աջաթև կողմն, և պատառեցին պզունդն, և պարտեցին պայտեանսն»⁸։ Աստարակոյս է, որ «զորքն Անձևացեաց» կարող էր գլխավորել ոչ թե Գուրգեն Արծրունին, որ մահացել էր 892 թ., կամ վաղանդիկ Տաճատը, այլ՝ Ատոմը։

Երբ Ատրպատականի ամիրա Յուսուֆը, Սմբատ Բագրատունուն չարաչար նահատակելուց հետո, ցանկանում էր հարձակվել Վասպուրականի վրա, սատար լինելով Գագիկ Արծրունուն, 914 թ. «մեծիմաստ և բարեխորհուրդ և արդարակրող իշխանն անձևացեաց Ատոմ ոչ սակաւ զօրութեամբ մատուցանէր թիկունս օգնականութեան թագաւորին Գագիկայ»⁹։ Հայրենիքի անկախության համար մղվող այս պայքարին Ատոմը մասնակցում էր ոչ միայն զենքով, այլև՝ ողջախոհ դիվանագիտությամբ և իմաստուն գործելակերպով. «Եւ ինքն, ըստ իմաստայեղձ խորագիտութեան, մանաւանդ թէ աստուածային իսկ այցելականութեամբ ի բաց տարևալ մղեալ վարատէր յաշխարհն և ի տալէ հօր իւրոյ պըրտը ուղիս չարութեան չարալուկ չար հինիցն առանց բանի պատերապմաց և յամենայն ի հրացայտ չարութենէ հրաբորբոքն Յուսուֆայ ամրապահեն ինէր ի հովանի թնոցն Աստուծոյ»¹⁰։

Կասեցնելու համար Յուսուֆի ներխուժումը Վասպուրական՝ (926 թ.) Գագիկ արքայի հետ համատեղ նախապզուշական միջոցներ է ձեռք առնում նաև «մեծ իշխանն Անձևացեաց Ատոմ հանձարիմաստ խոհականութեամբ, վաղընդիոյթ նախահոգակ խորհրդով պաշխարի տէրութեան իւրոյ ամբառնայր ի գրուս ամուր լերանց աշխարհին՝ ամրապահեստ առնելով ի խորածորս և ի խոխում վիսս փոսոց և ի ծործորս բլրոց առաջապահս, և նա գաղթին լինելով իւրայօքն զօրօք բազմի վառելովք»¹¹։ Չգալով իր անկարողությունը Գագիկ արքայի,

Գուրգենի և Ատոմ Անձևացու միացյալ ուժերի առջև՝ Յուսուֆ ոստիկանը Կորդուքից «հասանէ բանակի յաշխարհն Անձևացեաց» և դեսպաններ է ուղարկում Ատոմ իշխանին՝ «տալ նմա զսակ հարկացն արքունի»։ Ընդ որում Յուսուֆը խոստանում է հարկը ստանալուն պես, առանց վնաս ու ավերածություն ցատճառելու, հեռանալ։ Արյունահեղությունից խուսափելու նպատակով Ատոմ իշխանը որոշում է հազեցնել «օգտածարաւ» ոստիկանի ընչաքաղցությունը՝ «ենթադրելով իմաստութեամբ զմերձակայ պրպարտութեանն բռնութիւն, առ ի յօգուտ բաւական դնել, ոչ ևս խնայէր գանձս և կարասիս, և վաղվաղակի հատուցանել նմա ըստ ձեռքին բաւականի զմնասս նարկին կրկին յաւելուածով»¹²։ Այսպիսով իր ողջախոհությամբ Ատոմը մի անգամ ևս փրկում է հայրենիքն ու հայրենակիցներին արաբ հրոսակների ասպատակությունից։

Գարեգին Հովսեփյանի հաշվումների համաձայն, Ատոմ Անձևացու մասին առկա հիշատակումների ստորին և վերին ժամանակային սահմանները 873—926 թվականներն են։ Եթե «հոր մահից հետո, երբ նա ժառանգեց իշխանությունը, դիրք և հեղինակություն ունեցող իշխան էր, ապա ուրեմն առնվազն առաջին հիշատակության ժամանակ, այսինքն՝ 873 թ., տասը տարեկան պիտի լինէր, որով 30 տարեկան կլինէր իր իշխանության առաջին տարում։ Այսպիսով նրա կյանքի հանգրվանները կարող ենք նշանակել մոտավոր կամ ճիշտ 863, 873, 892, 902, 914-ից քիչ հետո, 926 թվականները, որով վերջին թվին նա կլինէր ոչ պակաս քան 63 տարեկան...»¹³։ Ատոմ իշխանի կյանքի առաջին հանգրվանների վրա կարելի է ավելացնել 937—938 թվականները։ Պատմիչ իբն Միսքավայիի հաղորդմամբ, արաբ զորավար Լաշքարի իբն Մարդինը ներխուժելով Վասպուրական, 937—938 թթ. հարձակվում է ալ-Ջաուլական (Անձևացեաց) գավառի վրա, «որտեղ իշխում էր Աթում իբն Ջուրջինը (Ատոմ որդի Գուրգենի), որը «հայերի թագավոր իբն ալ-Դայրանիին (Դերենիկի որդի Գագիկ Արծրունու) ազգական էր»։ Ատոմը առաջարկեց Լաշքարիին վերջ տալ ասպատակություններին, սակայն մերժում ստանալով՝ մի նեղ կիրճի մեջ նրա պորթը ջարդեց։ Ըստ արաբ պատմիչի վկայության, Ատոմը հինգ հազար մարդ կոտորեց, որոնց մեջ էր նաև Լաշքարին¹⁴։ Այս պատմական վկայությունը գալիս է էլ ավելի

⁷ Հայ ժողովրդի պատմություն, հտ. III էջ 33:

⁸ Թովմա Արծրունի, էջ 246:

⁹ Յովհաննես Դրասխանակերտցի, էջ 292:

¹⁰ Անդ:

¹¹ Անդ, էջ 328: Գարեգին կաթողիկոս, նշվ. աշխ., էջ 43:

¹² Յովհաննես Դրասխանակերտցի, էջ 328—329:

¹³ Գարեգին կաթողիկոս, նշվ. աշխ., էջ 43:

¹⁴ Հայ ժողովրդի պատմություն, հտ. III, էջ 63:

ամբողջացնելու Ատոմ Անձնացի պորավարի և քաղաքական գործչի նկարագիրը:

Փաստերը վկայում են, որ Ատոմ Անձնացին աչքի է ընկել ոչ միայն քաղաքական, այլև մշակութային գործունեությամբ: Մշակութի, գրականության նկատմամբ սերն ու անցյալի հոգևոր արժեքների գուրգուրոտ պահպանումը Ատոմը ժառանգել էր իր հորից, որի հրամանով տակավին 873 թ. ասորերենից հայերեն է թարգմանվում Աբդյանեհի վկայաբանությունը¹⁵: Գուրգեն և Ատոմ Անձնացիների պատկերով 870-ական թվականներին ընդօրինակվում է Կյուրեղ Երուսաղեմացու «Կոչումն ընծայութեան» երկը¹⁶: Այս մասին է վկայում Մաշտոցի անվ. Մատենադարանի № 9465 ձեռագրի համար երջանիկ պատահականությամբ պահպանակ դարձած Կյուրեղի տվյալ աշխատության ընդօրինակության մեջ առկա հետևյալ հիշատակագրությունը (էջ 2 բ, Ա սյունակ). [Գի]րքս այս [Կիւրեղ վար]դապետին [Երուսաղեմ]ացու [գրեցաւ թուակ]անիս Հայոց [ն'] առեալ (Բ սյունակ) գրչի գրել ի մատենիս յայս սուրբ եւ տենչալի եւ փոգետուիչ բանքս. Արդ աղաչեմ վրնթերցաւորսդ ընթեռնուք պատգաւդ սորա պտեր Գուրգեն Արծրունի եւ պորդի իւր Ատոմ իիշ[ն]եք¹⁷: Գուրգեն և Ատոմ իշխանները հիշատակվում են նաև Համվոն Անձնացու «Կրամանաւ» գրչագրված Եղիշեի Պատմության Անձնացյաց օրինակի լուսանցքներում. «պտերն Անձնացեաց պմեծն Ատոմ իիշատակի արարեք արժանի», «պԳուրգեն իիշեցեք...»¹⁸:

Պատմիրատուի հանգամանքը, առնչությունը ձեռագրական մշակութի հետ խոսում են Ատոմ Անձնացու գրասիրության մասին: Եվ իրապես. մի շարք փաստեր ցույց են տալիս, որ նա «գործոն մասնակից է եղել... գիտնական վարդապետների հետ իր ժամանակին հուլյոդ աստվածաբանական-իմաստասիրական վիճելի հարցերի լուծմա-

նը»¹⁹: Պետք է կարծել, որ Ատոմը, օգտվելով իշխանական իրավասությունից, նյութական ու բարոյական օժանդակություն էր ցույց տալիս գիտնական վարդապետներին, աշխուժորեն մասնակցում նրանց բանավեճերին: Բանավեճի սկսվելու քննադատաբար ենթադրում է ծավալով փոքր մատենագրական սեռի կիրարկում: Սրանով է պայմանավորված այն, որ, ինչպես երևում է, գիտական խնդիրներ արծարծվել են ոչ թե ընդարձակածավալ աշխատություններում (որոնց մասին առայժմ լուծում են պատմական սկզբնաղբյուրները), այլ տարբեր անձանց հղած նրա թղթերում, որոնք, ցավոք, մեզ չեն հասել: Այդ մասին են վկայում, ի պատասխան Ատոմի, տարբեր անձանց կողմից նրան հասցեագրված թղթերը, որոնք զերապանցապես աստվածաբանական բնույթ են կրում: Ժամանակագրական առումով դրանցից առաջինը, Ատոմ Անձնացուն հղված, Արամ մատենագրի թուղթն է, որ ձեռագրերում հետևյալ խորագիրը, սկսվածքն ու վերջը ունի. Թուղթ Արամայ, զոր գրեաց պառափսիսնի Ատոմայ Անձնացեաց իշխանի ի սակս պեսպես հարցմանց նորա. «Աստուածապահ, աստուածասէր իշխանիդ իմոյ մեծագահի և աստուածատունկ իմաստիցդ գիր և հրաման եհաս առ իս, զոր ընթերցեալ յոյժ ուրախ եղէ վԱստուծոյ... Եւ որ պշուրն ի գինի փոխեաց, զձեր տրտմութիւնդ յուրախութիւն փոխեսցէ ի Տէր ինդալ ձեզ ի տարեկան կենդանութեան տօնս կատարել»²⁰: Ելնելով թղթի մի արտահայտությունից՝ Գարեգին կաթողիկոսն իրավացիորեն ենթադրում է, որ այն հղվել է Ատոմ Անձնացուն՝ իր հոր մահից անմիջապես հետո, շուրջ 892—893²¹ թթ.: Այս ենթադրությունը էլ ավելի է հիմնավորվում թղթի վերջին «ի տարեկան կենդանութեան տօնս կատարել» բառերով. թվում է, դրանք որոշակի ակնարկ են պարունակում Ատոմի հոր մահվան տարեկիցը նշելու մասին:

Մաշտոցի անվ. Մատենադարանի 981 թ. ընդօրինակված № 2679 (թ. 311բ—312բ) թղթա հնագույն ձեռագիրը «Լուծումն Արտապրդայ Մախպուտեաց տեառն, զոր բացալստեաց սուրբ պատուիրանօք ի հրա-

¹⁵ Գ. Զարբանյան, Մատենադարան հայկական թարգմանությունաց նախնեաց (դար 7-ԺԳ), Վենետիկ, 1889, էջ 719: Գարեգին կաթողիկոս, նշվ. աշխ., էջ 42: Նույնի՝ Յիշատակարանք ձեռագրաց, հտ. Ա, Անթիլիաս, 1951, էջ 73: Ս. Քոլանջյան, Նորահայտ պատմիկներ Կյուրեղ Երուսաղեմացու Թ դարի մի գլուխգործից, «Բանբեր Մատենադարանի», № 5, 1960, էջ 207:

¹⁶ Ս. Քոլանջյան, նշվ. աշխ., էջ 208:

¹⁷ Գարեգին կաթողիկոս, Իններորդ դարի ձեռագրական մի հատակոտոր, էջ 41, 52: Ս. Քոլանջյան, նշվ. աշխ., էջ 224—225:

¹⁸ Եղիշեի Պատմություն Վարդանանց, ըստ Անձնացեաց օրինակի (հրատ. Խ. Գալֆայան) Թեոդոսիա, 1861, էջ դ—ն: Ս. Քոլանջյան, նշվ. աշխ., էջ 209:

¹⁹ Ս. Քոլանջյան, նշվ. աշխ., էջ 209:

²⁰ Մաշտոցի անվան Մատենադարան (ՄՄ) ձեռ. № № 3710, թ. 317ա—325ա, 497, թ. 407ա—415բ, 625, թ. 84բ—86ա: Միաբան, Հայկական, Թ, «Արարատ», 1894, էջ 128, նույնի վերահրատարակությունը՝ Գալուստ Տեր-Մկրտչյան, Հայագիտական ուսումնասիրություններ, Գիրք Ա, Երևան, 1979, էջ 137: Հ. Ս. Անասյան, Հայկական մատենագիտություն, հտ. Բ, Երևան, 1976, էջ 724—725:

²¹ Գարեգին կաթողիկոս, նշվ. աշխ., էջ 44:

մասն տեղան Ատոմայ Անձեւացեաց իշխանի» խորագրով և «հրաման թոյն» աստուածասիրութեանդ, ով բարեփառ տէր, եհաս վասն պիարցմունսն, պոր Տաճատայ մակագրեալ էին իւրեանց նամական...» սկսված թով պահպանել է Արտավազդ Մալապուտու (Թ—Ժ դդ.) աշխատությունը, որ ոչ այլ բան է, քան Տաճատ վարդապետի առաջադրած 10 հարցումների պատասխանը՝ գրված Ատոմ Անձեւացու հրամանով²²։ Ելնելով «Արտավազդայ Մալապուտեաց տեառն» «Լուծումը» հեղինակելու փաստից՝ կարելի է մտածել, որ Ատոմ Անձեւացին, բացի ուսումնական վարդապետներից, գիտական բանավեճերի մեջ էր ներգրավում նաև աշխարհական դասի ներկայացուցիչների։ Ատոմի գլխավորած գիտական շրջանակի անդամներից պետք է լինեն նաև հիշյալ ձեռագրում առկա Հարցուպատասխանի հեղինակներ Թովման և Տաճատը։ Վերջինս, անտարակույս, վերը հիշատակված Տաճատն է, որն այստեղ, ի տարբերություն նախորդ դեպքի, հանդես է գալիս ոչ միայն հարցադրողի, այլև պատասխանողի դերով²³։ Հիշյալ Թովմայի անվանը հանդիպում ենք դարձյալ այս նույն ձեռագրում, որպես հեղինակ հետևյալ միավորի։ «Գրեցալ թուղթս այս առ Ատոմ Անձեւացեաց իշխան, պոր կալեալ առաջի Թովմայի սրբազան քահանայի եւ ուղղափառ վարդապետի, հարկաւորեալ գրէ պատասխանիս»։ Ելնելով թղթի այս խորագրից և վերջընթեր «Կատարեցալ թուղթ Թովմայի առ տէր Ատոմ Անձեւացեաց իշխան, հարցմանց Տաճատայ պատասխանիք» բառերից²⁴ Ս. Քոլանջյանը նշում է, որ այստեղ նույնպես Ատոմ Անձեւացու մասին է խոսքը։ Ըստ այդ գրության, Տաճատի պատասխաններն ու հարցերը դարձյալ հասել էին Ատոմ իշխանին, և նա էլ հրամայել էր Թովմային, որ գրի մի նոր պատասխան²⁵։

²² Հ. Անասյան, նշվ. աշխ., էջ 916—917։ Այստեղ հիշատակված Տաճատը և Ատոմի համանուն եղբայրը, ամենայն հավանականությամբ, տարբեր անձեր են։ Ս. Քոլանջյան, նշվ. աշխ., էջ 211—212։

²³ Ս. Քոլանջյան, նշվ. աշխ., էջ 210։ Հետաքրքրականն այն է, որ Արտավազդ Մալապուտու և Տաճատ վարդապետի հիշյալ թղթերում օգտագործվել է Կյուրեղ Երուսաղեմացու «Կոչումն ընծայութեան» աշխատությունը։ «Շատ հավանական է, որ Ատոմ Անձեւացին իր հովանավորած գիտական շրջանակի տրամադրության տակ էր դրել ոչ այլ ինչ, եթե ոչ իր սեփականությունը եղող Կյուրեղի գրչագիրը. անդ, էջ 212։

²⁴ ՄՄ, ձեռ. № 2679, ք. 314ա—317բ։ Ս. Քոլանջյան, նշվ. աշխ., էջ 210—211։

²⁵ Ս. Քոլանջյան, նշվ. աշխ., էջ 210։

Բանասիրության մեջ կարծիք է հայտնվել այն մասին, որ Ատոմագիր անունը կրող վկայաբանական և վարքագրական ժողովածուն, որ հայտնի է Տոնացոյց, Տոնացուցակ, Տոնանամակ ու Հռոմադիր (Հռոմադիր) անուններով, կապվել կամ վերակարգավորել է Ատոմ Անձեւացին²⁶։ Սակայն, իրականում Ատոմագիր կամ Ատոմադիր անվանումը, ինչպես նկատում է Հ. Անասյանը, «պիտի առաջացած լինի Ատոմյանց վանքից», ուր ըստ Ատոմի 897 թ. «պայծառանայր առաքինութեամբ հայրն Գագիկ՝ առաջնորդ՝ ուխտին սուրբ Ատոմայ, որ իշատակ մարտիրոսացն միայրեալ ի գիր, որ Ատոմայ գիր անուանեալ ապի»²⁷։ Ժամանակագրություններից մեկը հետևյալ բառերով է հաստատում Ատոմի հաղորդումը. «Թագաւորէ Սմբատ ամս ԻԴ, ի սորա աւուրս էր Գագիկ վարդապետ, պիշատակս մարտիրոսացն հաւաքեաց ի գիրք մի»²⁸։ Համաձայն Մխիթար Այրիվանեցու Պատմության, 1001 թ. «սուրբ հայրն Ատոմ Վարագեցի զՀռոմադիրն կարգաւորեալ»²⁹։ Հաղորդումը երկրորդում է մատենագիտական մի անանուն ցուցակով, ուր արձանագրված է. «ԿՏոնացուցն [արարեալ է] Վարագայ հայրն Ատոմ»³⁰։

Այսպիսով, փաստերի համադրումը ցույց է տալիս, որ Ատոմագիր ժողովածուն կապվել է ոչ թե Ատոմ Անձեւացին, այլ Ատոմյանց վանքի վանահայր Գագիկ վարդապետը 897 թ.։ Ավելի ուշ՝ 1001 թ. այն վերակարգավորել է Ատոմ Վարագեցին, որ, անշուշտ, տարբեր է Ատոմ Անձեւացուց։

* *

Ձեռագիր մատյանները մեզ են հասցրել Մաշտոցի անվան Մատենադարանի երեք՝ № № 1522 (թ. 518ա—521բ), 1523 (թ. 71ա—3ա) և 993 (թ. 69ա—70բ) ձեռագիր ձառնորդներով առաջմ հայտնի Ատոմ Անձեւացու միակ երկը։ Այն «Երանելոյն տեառն Ատոմայ Անձեւացեաց եպիսկոպոսի

²⁶ Գ. Չարբանալեան, Հայկական իրի դպրութեան պատմություն, Վենետիկ, 1897, էջ 569։ Մ. արք. Օրմանեան, Ազգապատում, հտ. Ա, Կ. Պոլիս, 1912, էջ 981—982։

²⁷ «Ստեփանոսի Տաթևեցոյ Ատոմական Պատմություն Տիեզերական» (հրատ. Սո. Մալխասյանցի), Ս. Պետերբուրգ, 1885, էջ 160։ Հ. Անասյան, նշվ. աշխ., հտ. Բ, էջ 709։

²⁸ Տե՛ս Գագիկի կաթողիկոս, նշվ. աշխ., էջ 45։

²⁹ «Մխիթարայ Այրիվանեցոյ Պատմություն Հայոց» (հրատ. Մկ. Էմինի), Մոսկվա, 1860, էջ 57։ Հ. Անասյան, նշվ. աշխ., հտ. Բ, էջ 709։

³⁰ Տե՛ս Հ. Անասյան, նշվ. աշխ., հտ. Բ, էջ 709։

ապացնալ ներբողեան ի սուրբ Կարապետն Յովհաննէս» խորագիրն ունի: Անդրադառնալով Ատոմ Անձնացու այս երկին՝ Գարեգին կաթողիկոսը գրում է. «Եթե նույն են եպիսկոպոսն և իշխանն Ատոմ Անձնացիները, նշանակում է մեր Ատոմը իր կյանքի վերջին տարիները եկեղեցական կոչումն է ընդունել և ապա եպիսկոպոս ձեռնադրվել, հավանորեն նախորդը հանդիսանալով խոստով Անձնացու»³¹: Քանի որ Ատոմն, իբրև Անձնացաց իշխան, վերջին անգամ հիշատակվում է 937—938 թթ., կնշանակի նա հոգեվոր կոչում էր ընդունել այդ թվականներին տեղի ունեցած մեկ արդեն հայտնի դեպքերից հետո: Նաև հայտնի է, որ խոստով Անձնացին 950 թ. արդեն եպիսկոպոս էր: Այս հաշվով նրա ենթադրվող նախորդի՝ Ատոմ Անձնացու խնդրո առարկա ներբողը գրվել է 938-ից հետո և 950-ից առաջ, ամենայն հավանականությամբ, 940-ական թվականներին:

Ատոմ Անձնացու Ներբողն աչքի է ընկնում աստվածաբանական, իմաստասիրական խորքով: Հովհաննես Մկրտչի անձը և գործունեությունը՝ հատկորոշող տարփողական գնահատումների մեջ նկատվում է հեղինակի սերը աստվածաբանական մտակառուցման, բնագիտական իրականությունների վերաբերման նկատմամբ: Ելնելով Հովհաննես Մկրտչին ավանդաբար տրված բնորոշումներից՝ Ատոմը աստվածաբանական դասդասման է ենթարկում դրանք: Ներբողում Հովհաննես Մկրտչը հատկորոշվում է, որպես քահանայական շնորհի կրողը: «Յարանունաբար ունակութեամբ», այսինքն՝ էպպես նրա մեջ բնակվող այդ շնորհը Հովհաննեսը «ճշմարտեաց երկակի մակացութեամբ», իբրև «մարգարե եւ քահանայ, յառաքեալ եւ ձայն աւետարանական»: Այս ընդհանրական բնութագրությանը հետևում է Հովհաննեսի ոգեղեն նկարագրի պատկերումը: Մարգարեների, առաքյալների, վարդապետների և կուսանաց դասի գերծառնական առաջնորդն է նա, որովհետև առաքյալների համար նա շնորհատու և առաքյալ է, մարգարեների համար՝ մարգարե և առաքյալ, վարդապետների համար՝ ուսուցիչ և ահարկու, կույսերի համար՝ կուսության նախօրինակ և մայր

«պատուութեան»: Ուշագրավն այստեղ Հովհաննեսի՝ առաքյալների համար շնորհատու և առաքյալ, իսկ մարգարեների համար մարգարե և առաքյալ որակվելու հանգամանքն է: Նախ սա նշանակում է, որ նա Քրիստոսով սկսվող նոր, վերապատմական իրողության՝ Շնորհքի կարապետն ու մատակարարն է: Ըստ քահանայական օրինի մկրտեթով Քրիստոսին, և այսու հաղորդակցվելով «շնորհատու Հոգույն»³² Հովհաննեսը կոչ է անում «ընդունել մկրտություն և ապա խարութեան իբրև պատրաստութիւն լի և լի յարտութեան շնորհաց Քրիստոսի»³³: Այսպիսով, Հովհաննես Մկրտիչը դառնում է դեպի այդ բնագիտական պարզևն (Շնորհք) առաջնորդող ճանապարհացույց լուսարձակ՝ լինելով քրիստոսական շնորհի ազդարարը: Աստվածաբանական այս պահի վրա է հիմնված Հովհաննեսին տրված «շնորհատու» որակումը:

Հովհաննես Մկրտչին ընծայված երկրորդ որակումը (մարգարե և առաքյալ) անդրադարձն է ավետարանական հետևյալ դրվագների. Մատթ. ԺԱ 10, 14, ԺԵ 11—12, Մարկ. Թ 10—12, Լուկ. Ա 17, որոնցում Հովհաննեսը նույնացվելով Եղիա մարգարեին, խորհրդական իրականացումն է, հրեաների կողմից վաղուց սպասված, (Մարկ. Թ 11) Եղիայի մարգարեական դերի, որովհետև նա գործում է «հոգով պորութեամբ Եղիայի» (Լուկ. Ա 17): Լինելով «ի ծնե քահանայ և խստամբեր նազովրեցի ըստ երևութի և ըստ եղանակի վարուցն, եղաւ իբրև երկրորդ Եղիա»³⁴: Հովհաննես Մկրտչի գործունեու-

³² «Երանելոյն Թեոդորոսի Միայնակեցի՝ գովեստի սուրբն Աստուածածինն եւ ի միշտ կոյսն Մարիամ», տե՛ս «Յովհաննես Իմաստասիրի Անձնեցոյ մատենագրութիւնը», Վենետիկ, 1833, էջ 178:

³³ Տե՛ս «Բառարան Սուրբ Գրոց», Կ. Պոլիս, 1881, էջ 390, նաև The Interpreters Dictionary of the Bible, Supplementary volume, Abingdon, 1976, p. 487—488.

³⁴ «Բառարան Սուրբ Գրոց», էջ 390: Այս կապակցությամբ քահեկան է Ստեփանոս Սյունեցու (Ը դ.) Ավետարանների մեկնության հետևյալ հատվածը, որ ժխտումը լինելով հավանաբար այդ շրջանում կենցաղավարող հոգեփոխական ըմբռնումների, Եղիա մարգարե—Հովհաննես Մկրտչի չլուսաբերող աստվածաբանական վաղագույն բացատրություններից մեկն է հայ մատենագրության մեջ: «Եղիաս վերացեալ,—գրում է Սյունեցին,—Յովհաննէս՝ յառաջընթաց Տեառն շնորհիւ և պորութեամբ Եղիայի, այսինքն՝ նույնպէս Հոգիով Սրբով և ոչ հոգովն Եղիայի, զի մի կարծիցես երբեք փոփոխումն է հոգիոց մարդկան ի միմեանց մարմինս, որպէս ոմանք ցնորեցան ասեմք». «Ստեփաննոսի հայոց Իմաստասիրի և Սիւնեաց եպիսկոպոսի կարճառատ մեկնութիւն չորից ամե-

³¹ Գարեգին կաթողիկոս, նշվ. աշխ., էջ 45: Մենք ևս, հետևելով Գ. Հովսեփյանին, ինչպես նաև՝ Հ. Թորոսյանին («Բազմավեպ», 1899, էջ 67) ու Ս. Քոլանջյանին (նշվ. աշխ., էջ 211) հակված ենք նրանց նույն անձը համարելու: Սրան հակառակ, Հ. Աճառյանը նրանց հիշատակում է իբրև տարբեր անձեր. Հայոց անձնանունների բառարան, հտ. Ա, Երևան, 1942, էջ 255:

թյան եղիական շեշտը նկատի առնելով աստվածաբանական գրականության մեջ նա համարվում է «մեծագույն մարգարե, վասն պի եղած էր հրեշտակ Աստուծոյ, աշխնքն կարապետն Մեսիայի եւ փրկութեան աւետատու մարգարեն»³⁵։ Հովհաննես Մկրտիչը ոչ միայն մեծագույն մարգարեն է, այլև՝ մեծագույն առաքյալը, «պի նա է, վասն որոյ գրեալն է. Ահա ես առաքեցից փրեշտակ իմ առաջի երեսաց քոց, որ պատրաստեսցէ զճանապարհս քո առաջի քոյ»։ (Մատթ. ԺԱ 10)։ Ուրեմն նա ի վերուստ ուղարկված էր մասնաճառուկ առաքելությամբ՝ պատրաստելու համար Փրկչի ճանապարհը՝ դառնալով գլուխն առաքելոց։ Այսպիսով Հովհաննեսի անձի մեջ գերբնական ճանապարհով համատեղվում են մարգարեական և առաքելական շնորհները։

Ատոմ Անձնացու Ներբողը գեղարվեստական խոսքի մի իսկական նմուշ է։ Ի տարբերություն **Վարքագրական և դամբանական ներբողի**, այն պատկանում է **գովառաջական ներբող** (գովեստ, ճառ, դրվատ, գովասանություն, երգաբանություն, ներբողական ճառ) տարատեսակին³⁶։ Անձնացու Ներբողը հեղինակին ներկայացնում է իբրև բանարվեստի ներբողականներին, ներբողի այդ տարատեսակին հատուկ օրինաչափություններին քաջատեղյակ մի մատենագիր։ Այդ է հաստատում Ներբողի գրականագիտական հարևանցի քննությունն իսկ։ Ներբողագրության կարևորագույն սկզբունքներից է արժեքների համեմատությունն ու հակադրումը։ Դրանք կատարվում են՝ «ներբողված անձին համեմատելով նշանավոր, հայտնի անձերի հետ՝ ընդգծելու համար նրա առավելությունը»³⁷։ Ներբողագրման այդ սկզբունքն իրականացվում է «Եւ ի վերայ այսոցիկ ղնել **բարդատություն** (ընդգծումը Ա. Ղափնյանին է—Հ. Բ.) խորագրութեամբ ներբողեցելունս զմեծագոյնս ընդունել»³⁸ հրահանգի կիրարկմամբ։ Համեմատության

նմուշ կարելի է համարել Եղիա մարգարե—Հովհաննես Մկրտիչ ավանդական բաղդատումը։ Եթե Եղիան սուկ օրինակը կամ նմանությունն էր մարգարեական արժանիքի, ապա Հովհաննեսը՝ «նույն ոչ ինչ գտանելով սորայս, այլ՝ առաւելեալ. պի նա՝ յաւրինակին, իսկ սա՝ յաւրինակին եւ ճշմարտութեան»։ Դա նշանակում է, որ Հովհաննեսն, ի տարբերություն Եղիայի, ոչ միայն մարգարեական օրենքի («աւրինակ»), այլև, այդ օրենքի լրումը հանդիսացող մարգարեական և առաքելական շնորհի («ճշմարտութեան») կրողն է։

Եթե համեմատությունն իրականացվում է Հին և Նոր Կտակարանների նշանավոր դեմքերի արժեքաբանական բաղդատմամբ, ապա հակադրությունը՝ հեթանոսական անցյալի և ավետարանական արժեքների բեռնացմամբ։ Այսօրինակ բեռնացման առավել հատկանշական նմուշ է Օրփեոս—Հովհաննես Մկրտիչ հակադրությունը, ուր դրսևորվում է Ատոմ Անձնացու իրազեկությունը անտիկ առասպելների մասին³⁹։ Բնութագրելով Հովհաննեսին, որպես «քնար... բարոյական՝ Աստուծոյ Հալը, քնար՝ քրիստոսական»՝ Ատոմը նրան համեմատում է, ծագումով թրակիացի, նախաժողովրդյան շրջանի առասպելական բանաստեղծ Օրփեոսի հետ։ Ըստ առասպելի, նրա քնարի ախորժալուր հնչյունները վայրի գազաններին ստիպում էին դուրս գալու իրենց որջերից և, երաժշտությամբ իմայված, հետևելու բանաստեղծին։ Օրփեոսի անվան հետ է կապվում Օրփիզմի կրոնափիլիսոփայական համակարգը, որ առաջացել է մ.թ.ա. 2 դ. ապոլոնյան և դիոնիսյան գաղափարների հիման վրա։ Նա հիմնականագույն էր բաքոսյան գինարբուքների (օրգիաներ) և կրոնական ծեսերի⁴⁰։ «Անապատում հնչող Զայնը՝ հակադրելու համար հեթանոսական այդ ծեսերին և գինարբուքին ուղեկցող երաժշտությանը՝ հեղինակը գտնում է, որ Հովհաննես Մկրտչի քնարը առավել նախընտրելի

տարանչացն Քրիստոսի Աստուծոյ»։ ՄՄ, ձեռ. № 5551, թ. 292բ. տես Եզնիկ քին, Պետրոսյան, Երկու խոսք Սարգիս վրդ. Կունդի «Մեկնություն Ղուկասու» աշխատության մասին, «Էջմիածին», 1982, Ը—Թ, էջ 47։

³⁵ Վահան վրդ. Տեղ-Միասեան, Աշխարհաբար Աւետարան և մեկնություն, ըստ վարդապետութեան Հայաստանեայց Ս. Եկեղեցւոյ, Կ. Պոլսի, 1894, էջ 69։

³⁶ Հմմտ. Արշալույս Ղափնյան, Ներբողը հայ հին գրականության մեջ—Հայ միջնադարյան գրականության ժանրեր (հոդվածների ժողովածու), Երևան, 1984, էջ 138։

³⁷ Անդ. էջ 143։

³⁸ Անդ։

³⁹ Անտիկ մշակույթի մասին Ատոմի իրազեկության մասին է խոսում նաև հետևյալ դրվագը։ Հոգևոր պատերազմում նմանվելով անպարտելի ըմբռամարտիկի՝ Հովհաննեսը, սակայն վեր է հեթանոս ըմբռններին մատուցված ունայնաբան դրվատանքից, «պի թէ կենցաղափրաց արտաքնոց ըստ դարուց ժամանակի,—գրում է հեղինակը,—պի վեպս ոգելն ըմբռամարտացն մրցութիւնս՝ հանդերձ գովեստիւ ճախրեալ ի բանս ունայնս, ապա որչափ զմեծս վայս եւ փոշակելիս ունել ի լեզուս հաւապալ...»։

⁴⁰ *St'a Энциклопедический словарь*, изд. Ф. А. Брокгауз, И. А. Ефронь, т. XXII, С. Петербург, 1897. с. 219, *Мифт народов мира*, т. 2, М., 1982, с. 262—263.

ու բարեհունչ է, որովհետև «այս ոչ ըստ Որփեա դիւաբախ կատաղութեան անդանաւոր մոլեկոցն, այլ՝ ի բիրաւոր բանակս սրբոց հնչէ»:

Ինչպես տեսանք, Ատոմ Անձևացին քաջատեղյակ է ներքողական բանարկետի սկզբունքներին: Այդ մասին է վկայում Ներքողն ինքը: Ներքողագրության հնազանդ կանոնի կիրարկման առավել բնութագրական նմուշ է այն հատվածը, ուր Հովհաննես Մկրտիչը նմանեցվում է սրբության լուրդով օծված ըմբռնարտիկի, որ կոչված էր «նահատակացն պետը» դառնալ. «...Փորձ ըմբռնարտին ամենակատար հրահանգիք անձաւորեալ ի յեւղ սրբութեան, մշտնջենսխոնջ պահոց գոտեպինդ պարտութեամբ նահատակացն պետ»: Քաղվածքը արձագանքն է Պիտոյից գրքի հետևյալ հատվածի. «Քան-զի երբեմն սա (ձիթենին—Հ. Բ.) իւրով շահաւետագոյն բերովք ի մէջ ըմբռնական մրցմանցն մատչելով ի մարպումն, առաւելագոյնս քան զքնաւ նահատակաց խումբս, ոյք կարօտեալ օգնականութեան մեքենայից և հնարաւոր գործեաց, և առանց նոցա վրիպանացն նեթ ունին կրել նշանակա»⁴¹:

Ներքողը շահեկան է նաև հայոց լեզվի պատմության ուսումնասիրման համար: Այն հարուստ է նորակալմ բառերով ու բարդություններով, որոնք լավագույնս ներկայացնում են Ատոմ Անձևացի—բառաշինարարին: Նոր Հայկապան բառգրքի (ՆԲՀ) սկզբնաղբբութիւնների ցանկում այս երկը չի հիշատակվում: Ստորև տալիս ենք շարքն այն բառերի, որոնք բացակայում են այդ մեծարժեք բառարանում: Ելնելով բնագրում նրանց գործածությունից և բարդությունների բաղադրիչների հայտնի նշանակությունից՝ տրվում է այդ բառերի մոտավոր իմաստային բացատրությունը.

Ակումբեալ—ՆԲՀ-ում (Ա, 27) «ակումբ», առեալ» ձևերով. այստեղ նշանակում է՝ բոլորած, շրջան կալմած, խմբված, հավաքված:

Ալեծալալն—«Ալիք» և «ծավալվել» բառերի արմատների կցումով:

Աշխարհափակ—Աշխարհի համար փակ (դռները դրախտի):

Բալաբորբ—ՆԲՀ-ում (Ա, 507) «լորդաբորբ», «խաւարաբորբ» ձևերով. նշանակում է՝ հրախառն մեզ, կրակե մշուշ:

Բարձրավանկ—«բարձր» և «վանկ» բառերի կցումով. նշանակում է՝ բարձրաձայն (տե՛ս ՆԲՀ, Բ, 782):

Գիճասատ—«գիճանալ» (ՆԲՀ, Ա, 555) և «սաստել» բառերի արմատների կցումով. այստեղ նշանակում է՝ անառակությունը սաստող:

Գինէճաշ—«գինի» և «ճաշ» բաղադրիչների կցումով:

Լուսաթոր—«Լույս» և «թոր» («ծոր», «սոր» ՆԲՀ, Ա, 819) բառերի կցումով. նշանակում է՝ լուսածոր:

Ծածկոցաբար—ծածուկ, գաղտնորեն, այստեղ՝ այլաբանությամբ:

Կենաբուլծ—«կենաք» և «բուծանել» («անուցանել, դարմանել, տածել պարարել և բուծել ամենայն վնասուց». ՆԲՀ, Ա, 511) բառերի արմատների կցումով. այստեղ՝ կենսատու, կենսապարար:

Հրահանգանոց—ոստումնարան, կրթարան, վարժարան, դպրոց (հմտ. ՆԲՀ, Բ, 131):

Հրաշիջան—«հուր» և «շիջանել» բառերի արմատների կցումով. նշանակում է՝ հուրը մարող:

Հրդեհեղանդն—բորբոքում. կրակով թեժացած:

Մարտապահեստ—պենքերը պահպանող:
Մշտնջենսխոնջ—մշտնջենսպես հոգնած, պարտաւած:

Նախառորդութիւն—«նախ» և «հորդութիւն» («բանալ, դիւրել և պատրաստել զձանապարհս». ՆԲՀ, Բ, 124) բաղադրիչների կցումով. նշանակում է՝ նախապես ձանապարհ բացել, պատրաստել:

Ներհաղորդիւն—ներհալկություն, հալկաղորդություն:

Պղնձածին—պղնձաբեր, պղինձ պարունակող («Պաղեստին գաւառ»):

Պողապատոյց—պտուղները (որովից) պատող, պտող, բաժանող:

Տիքամտան—Տիրոջը (Քրիստոսին) պատկանող կամ վերաբերող (քահանայական գործունեության «վիճակ» կամ տարածք):

Տրամախոնք—«Տրամախոն»-ի համարժեքն է («հանձարեղ, իմաստուն, խոհական, խոհեմ, զգօն, ուշիմ». ՆԲՀ, Բ, 896). այստեղ նկատի ունի առաքյալներին:

Յաւղածակ—«ցաւղ (ուն)» և «ծասկել» («ծամել... ուտել, որոճել». ՆԲՀ, Ա, 1012) բաղադրիչների կցումով. նշանակում է՝ ցողունը ծամող, ուտող, որոճող:

Աւձաւորել—օծել:

⁴¹ Տե՛ս «Մովսէսի Խորենացոյ մատենագրութիւնք», Վնենտիկ, 1865, էջ 424—425: